

jutorium, quibus naturaliter ad summum eorumdem gradum reduci poterunt. Et hæc gradatio recta veraque Alchimia, & præter illam nulla est alia. Hodiernorum sopherarum ars pseudo-chimica in mera pecuniæ & temporis jactura consistit.

Volte p. 232

Neque, præterea cogites, vt fundamentalem aliquem intellectum ex Philosophorum sententiis comprehendere queas. Tales enim isti fuerunt, qui tibi externum saltim monstrant, & veram internamque essentiam occultant. Immo tibi furfur porrigunt, & de pura farina panes sibi pinsunt, quid nunc crasso de furfure facere possis, tuum est videre. Idem cum ipsorum sententiis comparatum est, & tibi vias præmonstrant, quas tamen ipsimet fugiunt. Quapropter iterum tibi consulo, vt à perniciosissimo isto fundamento tempestiue satis abstineas, alias pharmacopolas locupletabis, teque tuosque in extremam præcipitabis inopiam: immo per venenosos tuos nigros vapores sulphuris argentique viui, & foetorem Marcasitarum, Saliorumque, circa quæ occupatus es, periculosos morbos tibi ipsi procurabis: omneis namque istiusmodi res veræ arti è diametro aduersantur.

Summe, porro, mirandum est, quod omneis tam alti diuini doni indagatores illi ingentes ejus rei causa labores subeant, & nihilominus tamen a deo indurati permaneant, atque in furiosa ista stultitia, cum tamen ipso facto videant quod eo nihil possint efficere, tam pertinaciter perseuerent. Quid enim, obsecro, tot hominum millia, qui sese sublim. Solu. Coagul. Putrefact. Amalg. Circul. tantopere excruciarunt, effecerunt? Quid, quæso, cum
aquis